

○歷朝憲章類誌卷之一

△地輿誌

臣潘輝注著

有國之寶。土地爲大人物財賦由此以生。故成周詳職方之司。歷代重司空之掌。凡所以周知封域。而明天下之大利害也。我越自雄王立國。分界建都。南帝山河。天書略定。雖歷漢唐內屬設置頗殊。迨于丁李迭興。封域有截。傳諸歷代。雄帝一方金章膺上國之封。銅柱奠南方之域。承宣十五。分列藩維。亦足稱孔厚之版章。爲有指之疆土也。然而地名沿革。前後互殊。風氣開闢。古今異變。而輿載無徵。域誌闕略。博覽者將何所稽訂哉。嘗卽考之。趙武以前五嶺皆爲越境。迨趙旣亡。而歷代只有交南。則關上之地。古後有不同也。李陳以前。驩愛猶以寨稱。至黎之興。而二處遂爲根本。則曰南之地。開拓亦以漸也。至若四宣地界之分合。外鎮山河之險夷。彼此或殊形勢。或異儘宜。詳考而參稽。備登以列載也。爰卽採諸舊編。旁稽列傳。首載封域。分列承宣。一曰歷代疆界之殊。次曰諸道風土之別。詳設置於古今。備事迹於遠邇。庶覽者得以披載而周知矣。

●歷代疆界之殊

雄王建國號文郎國都峯州。

舊史其國東抵海。西抵巴蜀。北至洞庭。南抵胡孫國。卽今占城。

分國爲十五部。曰交趾、朱鳶、武寧、福祿、越裳。

寧海、陽泉、陸海、武定、懷驩、九真、平原、新興、九德。王所居曰文郎國。

史臣吳氏曰。按我越疆界。自漢分七郡。五十六縣。原本作國字爲交州部。始有所考證。晉隋以後。互有沿革。至唐置嶺南道。而以安南別爲都護府。凡十郡五十九縣。乃漢七郡中之交趾、九真、日南。其中有因舊改新。折此隸彼。而我安南至此始定。今以雄王所置郡名。求之歷代地誌。見於唐書曰交

## 卷一 地輿誌

歷代疆界之殊

八

趾曰朱薦則屬交趾郡。曰九真則屬愛州郡。曰九德曰越裳則屬演州郡。曰福祿則屬唐林郡。曰懷驩則屬演州郡。武定舊爲交趾郡。隋改隆平。又唐書武定隸縣三。曰柔遠福祿唐林。或當時以柔遠唐林爲武定。與福祿各爲郡。武寧在晉爲交趾屬縣。新興在峯州屬交趾。吳始分置爲郡。惟陸海平定沿革未詳。要亦都護府界之郡縣。唐人易以新名。不可稽究耳。如謂文郎國北抵洞庭。則是雄王時已有漢七郡之地。夫南海桂林與象郡之半。自秦末開置以前。皆是槃瓢一作瓠類落。獵獵迄今。各相君長。王安得而有之。又雄王當堯舜世。洞庭之險方爲三苗所阻。其國之北界。又何能致此。蓋自秦人降服百越。兩廣始爲郡縣。趙武藉秦之命。乘亂始據有之。南海番禺以南。慶遠思恩太平以北。所謂之南越者。交州不在焉。又東漢地誌以交趾爲安陽國。去雒陽南萬一千里。豈非顯是安陽以前有國。乃安南疆界也。卽堯典曰宅南交。周史曰交趾南。則自堯至周。我國已自有截然之界限。所謂西抵巴蜀者。今興化極邊。地通雲南。乃古蜀地。故安陽王乃以巴蜀并文郎。此則可驗也。弘簡錄所載。我地東至于海。西界雲南。南界占城。北界廣西。東北界廣東。西南界老撾。與舊史所載略同。但以胡孫爲占城。則無稽矣。昔人一州縣志。猶於入至致詳。况國乎。故不容以不辨。

**安陽王既滅雄王。改國曰甌貉。都封溪。今古螺城築螺城。**

秦末南海尉趙陀併有桂林象郡之地。遂攻安陽滅之。自立爲趙武王。令二使典主交趾、九真二郡。我安南遂屬趙。傳至衛陽王。漢武帝命路博德、楊僕發兵攻之。遂以其地爲南海、蒼梧、鬱林、合浦、並交趾、九真、日南、朱崖、儋耳九郡。各置刺史太守以治之。

祝里吳氏一作史臣  
吳士連曰。五嶺之於我越南。是爲險塞。國之門戶。猶鄭之虎牢。虢之下陽也。帝越者固宜設險守國。不可使之失也。趙氏一失其守。國亡統絕。土宇瓜分。我越又分南北之勢成矣。後有帝王之興。地險已失。收復必難。故徵女王雖能略定嶺南之地。不能據得嶺險。旋底於亡。士王雖能全盛。然猶爲當時諸侯未正位號。沒後又失之。而丁李陳黎。只有交州以南之地。不復趙氏之舊勢。使然也。

午峯吳氏曰。按越志。廣西興安縣西四十里有城。相傳爲秦始皇所築。以限越者。遺址石甃尚存。其西南亦有越城。秦城北二十里有嚴關。兩山交峙中容一馬。胡雪至此輒止。大雪或至桂林亦不復南。夫秦城之築。當在始皇未開桂越時。而天氣地形已有一定之南北。及秦郡縣其地。五嶺遂爲中國之物。趙氏竊於秦。漢復滅趙而收之。我交南又在五嶺之外。始屬於趙。因趙之亡。其地并歸於漢。是五嶺本非交趾九眞日南之界。使趙能守之。則三郡者亦不過役屬於趙爾。其後丁黎李陳只有交州以南之舊。非由趙氏失險所致。趙所置越中三使。卽今三郡交趾九眞與日南之地。安得以五嶺爲三郡之險。而惜丁黎李陳之不能復舊哉。惟天地之氣勢既已安排。而我交南亦當有聖賢豪傑應運而出。湯七十里。文王百里。皆能朝諸侯有天下。縱使斗牛得歲。天運有屬。豈不當渡嶺以有中原。而何止區區于五嶺也耶。

(按)漢所置九郡。南海郡六縣。番禺。博羅。中宿。龍川。四會。揭揚。蒼梧郡十一縣。廣信。謝休。(一作沐)高要。豐陽。臨賀。端溪。雁葉。一作鴻乘高川。猛陵。障平。荔浦。郡八縣。布山。安廣。阿林。廣川。鬱林。中浦。桂林。潭中。合浦郡五縣。合浦。徐聞。高涼。驛。朱崖。封溪。望海。安定。勾漏。九真。龍編。驛冷。曲陽。北帶。稽徐。西干。

卷一 地輿誌

歷代疆界之殊

郡五縣。青浦居屬成驥無功無編。

西卷朱梧廬容象林比景。

朱崖儋耳屬今瓊州儋州皆在廣東地界蒼梧鬱林今屬廣西惟交趾九真曰南乃爲本國之地

蓋自漢時總列爲州郡未嘗有所分辨而交南遂併爲中國郡縣云。

東漢建武十五年峯州廩冷縣女子徵側起兵攻交趾太守蘇定逐之所至風靡南海九真曰南合浦蠻俚皆應略定嶺南五十餘城自立爲王漢乃拜馬援爲伏波將軍沿海而進隨山刊道千里至浪泊上徵王退保禁溪及其妹貳與漢兵拒戰衆潰皆陷沒其餘衆都陽聚九真援復追擊至居風縣降之嶺南悉平乃於嶠南立銅柱爲漢極界申明舊制以約束之自後略越奉行馬將軍故事我越復屬於漢。

(接)明一統志銅柱在欽州古森洞上有誓云「銅柱折交趾滅」我越人過其下皆以石培之遂成丘陵恐其折也欽州在本國海東州之西三百里有分茅嶺嶺之半有銅柱大二尺許考之唐杜祐通典却云林邑南二百或作千餘里有馬援所樹銅柱則又在曰南之外與明志不同未詳孰是竊思當時所樹必在極南而欽州猶近中土不應於此表界古森之洞疑後人所樹元和中都護馬總常立銅柱於漢故處此或馬總所樹而後遂以爲伏波之遺跡歟姑錄之以備參攷也。

漢建安年間始置交州統治諸郡至三國時吳王權以交州懸遠分交趾以南爲交州北爲廣州。別置刺史尋復合爲交州至孫皓立仍分置後又分交趾爲新興郡以陶璜爲刺史都督交州軍事討平武平九德新興夷獠開置三縣及九真屬國三十餘縣。

魏末晉武帝以呂興爲安南將軍都督交州諸軍安南之名始此附接此安南乃官名非地名至唐永徽始以安南置廣州是歲魏始置交趾郡太守。又據國史甲申年秋七月異分交州以呂興爲安南將軍與此有異。

晉時交州置郡七縣五十。

交趾郡十四縣。

無漢之封溪。望海。加交興。  
二作趾。武事。南定。海平。

九真郡七縣。

皆浦。移風。撫松。建初。

日南郡五縣。

依成驛。漢九德郡八縣。

南陵。陽逐。扶靈。曲胥。

新都郡六縣。

廣冷。嘉寧。吳定。封山。臨西。西道。

武寧郡七縣。

武平。武陵。一作興。根寧。扶安。

合浦郡六縣。

謝。合浦。珠官。毒質。

其後林邑屢寇日南九真。

交州虛弱。宋元嘉中以檀道濟。

和之

爲刺史。討林邑平之。梁武帝分交州

置愛州。又改曰南曰德州。

自漢以後以州統郡。六朝因之。交州刺史統七郡守。梁大同七年。九德軍

監李貢起兵逐刺史蕭詧。據龍編城。

是爲前南帝。

隨破林邑于九德。遂稱帝。建國號萬春。及梁兵來侵至蘇

歷江。帝軍敗奔嘉寧城。又奔新闐獠。

屈據一作。

中尋殂。其兄李天寶與族將李佛子收餘衆八九真。據野

能洞。

在哀牢。

稱桃郎王。而大將趙光復率兵屯一夜澤。

今東安縣自然州。

號夜澤王。

即趙

起王。與梁軍相持。梁軍潰去。遂

入居龍編城。桃郎既殂。佛子

即後帝。

嗣統。率其衆與趙越王戰于太平。隨講和割君臣洲爲界。

今慈廉上葛是。

趙越王遷烏鳶城。佛子舉兵滅之。乃稱南帝都烏鳶。遷峯州。後爲隋所滅。隋置交州郡五縣三十二。

交趾郡九縣。

交趾。宋平。龍編。朱鳶。平道。嘉寧。新息。一作冒。安人。

九真郡七縣。

九真。陵。一作移。風。皆浦。隆安。軍安。順安。日南。

日南郡八縣。

九德。咸驛。浦陽。越裳。金寧。交谷。安遠。光安。

南都護府領州十二縣五十。

交州屬縣八。

宋平。南定。太平。交趾。

陸州屬縣三。

烏雷。南

峯州屬縣五。

嘉寧。承化。新昌。高山。珠綠。

福祿州屬縣三。

柔遠。晉

州屬縣七。

竹城。富州。平西。樂光。樂絕。恩龍。多雲。

演州屬縣六。

忠義。龍池。恩農。

武郎。武容。武金。

武峨州屬縣七。

武祿。武宰。梁山。

武安州屬縣。



史臣吳氏通論曰。按唐初分天下爲十五道。以漢九郡地爲嶺南道。惟安南獨置都護府。而皆統於嶺南。武德五年。曰交州。自調露以後。不曰交州。而曰安南。我安南自趙武帝佗以後。一千餘年。役屬於北。雖林邑。扶南。真臘。哀牢。蕞小諸國。猶有君長。未有如斯之甚者。何也。諸國海際山陬。土民財賦。皆不足以爲中國利。叛則代之。服則赦之。朝貢之有無。不足責也。安南其南方一大都會。田宜穀。土宜桑。山產金銀。海產珠玉。商賈者多致富焉。彼其艷動遠聞。思郡縣而臣妾之。爲日久矣。其未得也。思得之。既得之也。寧捨之哉。堂堂一國。非無豪傑。豈其低眉俯首。樂爲都督刺史所役屬哉。國久內屬。分部設吏。碁布其境。威福所在。孰不奉承。一土豪起。郡守撲滅。之一郡守起。刺史糾合攻之。刺史起。中國以全力制之。在晉之李遜。張碩。在唐之楊清。李孟秋。友岸。梅叔鸞。王昇。朝皆是也。二李與趙蓋。當梁陳偏安江左。多事不甚以交州爲意。故能據地稱號。至於五六年。若當漢唐全盛之時。豈肯捐既得之境土。捨所有之貢獻。聽其自爲嶺表之一大國耶。是以起滅相繼。終歸叛反之科。俛仰千載。爲內屬郡縣者。夫亦勢使然也。况天意未欲平治。諉之人事乎。可

是廷。藝別將唐林人。吳權。誅公羨。破南漢兵於白藤江。自立爲王。都螺城。是爲前吳王。後國亂。所在競起。平橋則吳昌熾。峯州今白鵝。則矯三制三帶。今安樂永慕即名玩家譜。則阮太平。唐林膠水。一云今。則吳覽。公杜洞。今應天青威保陀。則杜景碩。超類則李朗公。仙遊則阮令公。今有廟在仙遊沖溪。細江則呂佐公。今文江。西扶烈則阮右公。洄湖則矯令公。今故城址。藤州今金。則范防。遏布政海則陳明公。號十二使君。互相爭長。時華閭丁先皇始往依明。

## 卷一 地輿誌

歷代疆界之殊

十四

公因其衆攻破羣雄。於是海內歸于一統。分天下爲十道。

道名未詳。蓋閩今長安府

黎

大行應平九年改十

道爲路府州。

時封諸子出居諸州縣。如封居封州。訴居扶闢秦。挺居五江縣。鑄居杜洞

始此。江錢居乾陀朱連縣。鉉居武羅州。鑄居北岸古覽州。挺兒居扶帝鄉。

改華閭城爲長安府。

分十道爲二十四路。

愛州驩州爲寨。

改應天府爲南京。

即昇龍城。又改朝陽鎮爲永

安州。

廣安屬今

太宗天成六年改驩州爲乂安。

聖宗神武元年占主以地哩麻令布政三州贖罪因改地

哩麻令爲明靈州。

今屬順化

陳太宗天應政平十四年定天下爲十二路。

如天長路。洪踰。快路。國威路。海東路。北江路。濱江路。諒江路。清化

路。演州路。又有府州鎮。

如乂安府。新平府。化州。太原。廣南等處。

聖宗時

改卽墨鄉爲天長府。

英宗時改烏里二州爲順州化州。

睿宗時改演州爲演州路。

分驩州爲日南乂

安南北中外四路。

改臨平州爲新平府。

順宗時徙都安孫

洞今永祿縣華衛

洞西衙芳衙等社

改清化鎮爲清都鎮。

國威鎮爲

靈源府合爲四輔。

改建昌府爲建寧府。

又改占城占洞古壘洞之地立升華思義四州。

明人擒胡

望江鎮新平鎮爲新寧鎮及胡氏篡陳乃都安孫

改清化府爲天昌府并九真愛州爲三輔改演州

爲靈源府合爲四輔。

改建昌府爲建寧府。

又改占城占洞古壘洞之地立升華思義四州。

明人擒胡

望江鎮新平鎮爲新寧鎮及胡氏篡陳乃都安孫

管內山川作輿地圖。己丑十年定天下版圖統屬諸府縣及洪德辛卯平占置廣南承宣合爲十三道。恭帝統元末莫登庸僭位都東京以古齋爲陽京天下皆爲莫有。莊宗卽位于翠華壠國朝肇祖皇帝擁立圖存時舊將鄭惟悛武惟淵等皆遣使來朝諸豪傑亦次第歸附。帝招納撫用分使攻略各處軍勢益振。遂有愛州境土遣使浮海如明告難於是登庸乞降于明納安廣如昔瞻浪三州漸凜金勒古森萬一作了葛四洞表請內屬。明帝命收所納洞州編入欽州版籍而革安南國號爲南安都統使司傳至福源國內乖離盜賊並起。是時官軍所向克捷驩演烏里諸州以次平定中宗繼立國勢日盛。三年太師鄭檢出師遂定東都西南沿山一帶及常應蒞國廣威等府皆已略定。莫氏只據東道與北江下路尋以人心未固復還清華西南二道反爲莫有四年命將攻討順化。連定廣南設官鎮守二處五年以西京迫隘乃立行殿于安場社時福源境內稍定使敬典悉衆入寇太師鄭檢伏兵于馬江大破之。

英宗天佑三年太師鄭檢分兵由快洪南破先興由南策東破荆門悉下諸縣莫氏屯兵京城使諸國公列屯城外守珥河以西一帶自白鶴至南昌防守甚嚴。福源移居清潭縣時太原興化宣光諒山已爲黎有仍命將分兵鎮之。四年莫兵越海入寇清華諸道兵復撤回東北以下諸縣復爲莫有。十三年國朝太祖皇帝入鎮順廣以廣藩維次年莫人入寇順化太祖設計斬其將餘衆敗走自是莫不敢窺順廣二鎮晏然。

世宗嘉泰初王師略定美良石室安山福祿先豐諸縣莫會西南二道築土壘植竹芽上自丹鳳喝江下至山明華亭江沿岸延袤數百里以備之。光興十五年節制鄭松進克東都茂治奔金城追擊獲之天下大定自莊宗中興立于西都歷三世六十餘年土宇分裂至是始歸一統凡版圖地名被

## 卷一 地輿誌

歷代疆界之殊

十六

僞莫變改者悉依舊例改正

如快州新興建昌太平等府原屬山南處順安府原屬山北處安朗縣原屬山西處三帶府平泉縣屬太原處富平府悉還本處如舊例又如洮州洮江廣德仙居扶菴附翼望瀛平陸上元平河美

良英山鳳眼治和等府縣號名被莫妄改悉還如原者。

時莫餘孽敬恭奔竄高平訴于明懇乞四州安插明帝許之朝廷姑置不問敬宗順德元年國朝

太祖皇帝回順化自此專制二處時通使命至熙宗皇帝與鄭誼王抗拒築壘于日麗海門南岸順

化始爲限隔神尊盛德初

太尊皇帝伐占取其地自潘浪江之東至富平立爲泰康

今平

延寧

今延慶設府鎮封疆增廣於前

歷七代至世宗復取占城地立平順府又取高綿地立嘉定府今合設爲富安平康安慶平順嘉定九府

設府鎮封疆增廣於前

歷七代至世宗復取占城地立平順府又取高綿地立嘉定府今合設爲富安平康安慶平順嘉定九府

玄宗景治六年陽王追討高平大破之莫敬字翠家奔內地四州略定命招集州民使還復業七年敬宇訴于兩廣總督諸臣爲之請清帝遣使命以四州還莫時朝議以事大惟恭姑且從之命督鎮官將兵還以四州地交敬宇熙尊永治二年大舉討高平敬宇奔隆州餘黨潰散四州平定自是常命重臣督鎮以治之

裕宗保泰四年定天下版圖共十三一作二道凡五十五府二百二十六縣州詳正彼此疆界

下承司官區畫行之

顯宗景興三十五年鄭靖王大舉入南陞命薛公黃五福進師時睿尊皇帝以勢力弗敵航海避之師入順化廣南仍命設三司撫治二處自中興以後南北分疆垂二百年至是復合爲一云

茲歷朝分治南北弭兵者已百餘年自隘雲有西山亂釁而靖王始萌南侵之謀兵端既開刊木堙井昔之崇崗峻嶺皆爲平地黎家未造所以有此恢拓者時因國朝先代中微之厄運而盛衰倚伏之機寔相對待太平將至必有驅除二十年山河改觀正天所以啓聖世今日混同之大機會歟